

*solum* di cotimo una per 100 di le stime che saranno facte per le doane nostre. Le robe venute e debitori fati fin hora pagino come prima, non derogando però per la ditta parte a quello si paga al presente a Londra, qual si observi justa el consueto; fu presa. Ave 132, 13, 0.

Fu poi intrato in la materia de li hebrei, et fo messo queste parte.

La prima per sier Andrea Foscarini consier, sier Antonio Grimani procurator, sier Piero Capello, sier Andrea Trivixan el cavalier savii dil Consejo, sier Pandolfo Morexini savio a Terra ferma, pagino ducati 10 milia a l'anno, sia conduti per anni 5 computà questo anno è stati, et prestino a la Signoria ducati 4000, quali siano per lo armar, con altre reformation di capitoli, *ut in litteris*, et possino prestar a usura a ducati 15 per 100, e non più, stagino in Getto et possino far le strazarie.

La secunda, sier Andrea Baxadona el consier, e sier Lorenzo Venier el dotor savio a Terra ferma, voleno paghi ducati . . .

La terza sier Sebastian Moro el consier, pagino ducati 8 milia et vadino a star a Mestre, come prima stevano.

La quarta sier Lorenzo Vituri Cao di XL vice consier, sier Daniel Barbaro, sier Zuan Antonio Memo Cai di XL, sier Antonio Trun procurator savio dil Consejo, voleno pagino ducati 8000 come fanno al presente, et siano confirmadi per uno altro anno, et si atendi a far il Monte di la Piatae.

La quinta sier Lunardo Mocenigo savio dil Consejo, sier Piero Contarini savio a Terra ferma, siano confirmadi per anni 5, *ut supra*, pagino a l'anno per il star in Ghetto e far di le strazarie ducati . . . et non dicono nulla di poter dar usura; et questo perchè non voleno aver danari da' hebrei e concieder a dar usura.

Sexta sier Marco Foscari savio a Terra ferma, siano confirmati li capitoli per anni 5, *ut supra*, pagino a l'anno ducati . . . et dagino a usura *solum* 10 per 100, stagino in Ghetto e fazi strazarie.

Noto. Sier Francesco Foscari consier è amalato, et sier Piero da cha' da Pexaro amalato, sier Marin Zorzi dotor, consier; non era sier Nicolò Venier consier.

Andò prima in renga sier Marco Foscari sopraddito et parlò ben per la sua opinion; li rispose sier Hironimo Barbaro dotor e cavalier, è di Pregadi, dicendo non si pol tenir hebrei, ni conciederli dagi usura etc. Poi venuto zoso, lo infilzoe sier Nicolò Michiel el dotor, fo avogador di Comun, alegando testi,

*I Diarii di M. SANUTO. — Tom. XXVIII.*

e fe' lezer do testi del Decreto e di le Clementine, e parlò ben contra zudei, che non si doveria tenirli.

Andò le parte: di sier Andrea Baxadona 7, di sier Lorenzo Vituri e compagni 11, di sier Lunardo Mozenigo 17, di sier Marco Foscari 28, non sincere 26, e queste andò zoso. Di sier Antonio Grimani procurator 41, di no 41. *Iterum*, queste do rebalotade: . . . non sinceri, dil Grimani 65, di no 84. *Iterum* rebalotade: . . . non sinceri, dil Grimani 61, di no 82, et non fu presa alcuna cossa; anderà un altro Consejo.

Fu posto, per sier Zuan Contarini savio ai ordeni, sier Zuan Dolfin, sier Hironimo Querini, sier Michiel Morexini provedadori sora la Merchadantia, una savia letera al Serenissimo re di Portogallo, pregando vogli dar salvoconduto a' mori e zudei verano su le galie nostre di Barbaria, quelle tocheranno Lisbona, per la bona compagnia hanno auto le galie nostre quando è state de li; et fu presa. Ave 153, 8; la copia sarà qui avanti posta.

Fu posto in ultimo, per i Consieri, Cai di XL e Savii, una suspension di debiti con la Signoria per anni do a sier Alvise Pizamano qu. sier Francesco, et fu presa. Ave 146, 24. Et nota. Fu messa contra le leze: non era il compido numero di Consieri e manco di Savii a Terra ferma, nè era posta in tessera, ma fu servido, et questo perchè vol ritornar capitano di le galie di Barbaria, che doman si fa. Non fu tolto, ma ben rimase di Pregadi. Il quale è debitor a l'oficio di 3 Savii sora i Officii ducati 3500 di pene di formenti si ubligò di Barbaria; si scusa fu per sublevation di populi e dil Zer etc. *Item*, a le Cazude per tanse perse ducati 143, Monte vechio ducati 25, Monte novissimo ducati 2, ai 3 Savii fina i Officii ducati 3, ai X Officii ducati 4, a le Raxon nuove e datio dil vin ducati 14. E nota. Eri fo terminà per li Consieri, che li Officii risponda come vol le leze, e avanti che niun de' Officii habbi rispo, fo posto la gratia et fu presa.

#### *Exemplum.*

185

Sier Joannes Contarini *sapiens ordinum.*

Sier Joannes Delphino, sier Hironimus Quirinus, sier Michael Mauroceno *sapientes super mercatura.*

Serenissimo Regi Portugalliae.

Vetustissima benivolentia et amicitia quae nobis semper intercessit con regia Maestate vestra ejusque serenissimis majoribus adeo mutuis utrumque of-